

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
SEP 19 1947

T5299/1333

14



目錄

蕭山張 這邈可著

水泰中去蜀至雲安居夔州作

去蜀 宿青溪驛 宴戎州東樓 渝州候風

侍御 攝門 關高常侍亡 宴忠州使君宅

萬壽 題忠州寺壁 哭嚴侯射 旅夜書

懷 放船 送王侍御 雲安九日 答鄭十

七 別常侍君 長江 承聞故房相歸葬

將晚 懷歸本署止 青綠 三絕句 遺書

目錄

蕭山張遠邇可著

永泰中去蜀至雲安居夔州作

去蜀 宿青溪驛 宴戎州東樓 渝州侯巖

侍御 撥悶 聞高常侍亡 宴忠州使君宅

禹廟 題忠州寺壁 哭巖僕射 旅夜書

懷 放船 送王侍御 雲安九日 答鄭十

七 別常徵君 長江 承聞故房相歸葬

將曉 懷錦水居止 青絲 三絕句 遣憤

十二月一日 又雪 雨 南楚 老病

水閣朝霽 杜鵑 子規 近聞 客居 客

堂 石硯 贈鄭賁 別蔡著作 寄常徵君

寄岑嘉州 移居夔州 船下夔州 漫成

引水 寄韋有夏 上白帝城 上白帝城

陪諸公上白帝城 白帝城最高樓 武侯

廟 八陣圖 先主廟 諸葛廟 古栢行

負薪行 最能行 同元使君春陵行 狂歌

行贈四兄 示獠奴阿段 峽中覽物 憶鄭

南寺 贈崔評事 奉寄李秘書 貽華陽柳

少府

杜詩會粹

哈佛大學漢和  
圖書館珍藏印

商丘宋牧仲先生定

汴水周在浚梨莊叅

蕭山張遠邇可著

去蜀

五載客蜀郡。一年居梓州。如何關塞阻。轉作瀟湘遊。

世事已黃髮。殘生隨白鷗。安危大臣在。不必淚長流。

安危大臣在卽收京  
詩安危在數公意

宿青溪驛奉懷張員外十五兄之緒

輿地紀勝青溪

驛在嘉州犍為縣高力士外傳李輔國弄權但經推按不死則流黔中道尤多員外則張謂張之緒李宣輔國死于寶應元年十月之緒復官當于輔國敗後也

漾舟千山內日入泊枉渚我生本飄飄今復在何許

石根青楓林猿鳥聚儔侶月明遊子靜畏虎不得語

中夜懷友朋乾坤此深阻浩蕩前後間佳期赴荆楚

楚詞朝發枉渚兮夕宿辰陽王融詩猿鳥時斷續

陸厥詩鳧鵠儔侶楚詞與佳期兮夕張末

句公欲下荆楚期與張會于此也

宴戎州楊使君東樓

唐書戎州南溪郡屬劍南道本犍為郡天寶元

年更名全蜀總志東樓

在敘州府治東北唐建

勝絕驚身老情忘發興奇座從歌妓密樂任主人為

重碧拈春酒輕紅擘荔枝樓高欲愁思橫笛未休吹

曹植七啓蒼梧縹清注縹深碧色唐書戎州土貢荔枝煎末句結束樓樓高欲愁思者觸目鄉關耳

渝州候嚴六侍御不到先下峽

唐書渝州南平郡屬劍南

道本巴郡天寶元年更名

聞道乘驄發沙邊待至今不知雲雨散虛費短長吟

山帶烏蠻澗江連白帝深船經一柱觀留眼共登臨

江總別袁昌詩不言雲雨散更似東西流唐書南蠻傳南詔本哀牢夷後烏蠻別種也居未昌姚州之間獨錦蠻亦烏蠻種在秦藏川南梁益記雋州雋山其地接諸蠻部有烏蠻白蠻全蜀總志白帝城在

夔州府治東五里下即西陵峽口大江溯騰澎湃楚蜀咽喉○前四句候侍御不到後四句先下峽留眼公留眼以待嚴耳

揆悶

聞道雲安麴米春○纔傾一盞即醺人○乘舟取醉非難

事○下峽銷愁定幾巡○長年三老遙憐汝○揆施開頭捷

有神已辨青錢防雇直○當令美味入吾脣○舊唐書雲安縣屬夔

州本漢巴郡胸臆縣也國史補酒有棗陽之上窟春富平之石凍春劍南之燒春子美麴米春亦同

東方朔傳銷愁者莫若酒宋景文筆記蜀人謂柁師為長年三老長上聲李實曰川中人以掌前柁

為開頭今名看頭煥信詩五兩開船頭○趙曰川人不以準折一色見錢為青錢

聞高常侍亡

原注忠州作舊書永泰元年正月左散騎常侍高適卒

歸朝不相見○蜀使忽傳亡○虛歷金華省○何殊地下郎

致君丹檻折○哭友白雲長○獨步詩名在○祇令故舊傷

漢宮闕記金華殿在未央宮白虎殿右秘府圖書皆在焉王思遠遜侍中表奏事金華之上進議玉臺之

下王隱晉書蘇韶仕中牟令卒韶伯父承第九子節夜夢見韶言顏回卜商今見在為修文郎修文郎

凡八人鬼之聖者項梁成賢者吳季子

宴忠州使君侄宅

唐書忠州南賓郡屬山南東道本臨州貞觀中更名

出守吾家姪○殊方此日歡○自須遊阮舍○不是怕湖灘

樂助長歌送○杯饒旅思寬○昔曾如意舞○牽率強為看

顏延之詩一麾乃出守峽程記四百五十灘有清水重峰湖灘漢灘一統志湖灘在夔州府萬縣西六十里其水甚險庾信詩山簡倒接離王戎如意舞左傳牽率老夫謝瞻答靈運詩牽率酬嘉藻

禹廟方輿勝覽禹祠在忠州臨江縣南過岷江二里

禹廟空山裏。秋風落日斜。荒庭垂橘柚。古屋畫龍蛇。

雲氣生虛壁。江聲走白沙。早知乘四載。疏鑿控三巴。

招魂仰觀刻桷。畫龍蛇些。橘柚龍蛇。雖屬廟中真。

景亦暗切橘柚錫貢。驅龍蛇事。書傳四載水乘舟。

陸乘車泥乘輻山乘櫟江賦巴東之峽。夏后疏鑿。

譙周巴記劉璋分巴以永寧為巴東郡。墊江為巴

郡閬中為巴西郡是為三巴前六句秋日禹廟之

景末聯懷古早知言因見此廟而知之如唐人早知

題忠州龍興寺所居院壁

忠州三峽內。井邑聚雲根。小市常爭米。孤城早閉門。

空看過客淚。莫覓主人恩。淹泊仍愁虎。深居賴獨園。

趙曰三峽以明月峽為首。巴峽巫峽之類。為中東突

峽為盡忠州在渝州之上。所謂三峽內也。陸雲詩

井邑自相循張協詩雲根臨八極。注五岳之雲觸

石出者雲之根也。鮑照詩既荷主人恩。主人即

使君在空看二句一氣言。空看客淚之落。而主人之

恩莫覓者唯其市小城。孤無物可娛客也。否則捨白

使君無族誼矣。非是。佛書祇樹給孤獨園。

前六句全咏忠州末一句方點龍興寺

哭巖僕射歸櫬嚴武傳永泰元年四月薨。年四十。贈尚書左僕射。



風送蛟龍雨。天長驃騎營。一哀三峽暮。遺後見君情。

舊京西京也。武本華陰人。故櫬歸京師。老親武之母。如宿昔。幸其無恙。國史補。武卒。母哭且曰。而今而後。吾知免為官婢矣。鮑照詩。將軍既即世。部曲亦罕存。即異平生意。公送嚴武詩云。蛟龍得雲雨。言其得時。則駕今日風。送蛟龍雨。終以蛟龍比其雲雨之散也。又朱長孺引西京雜記云。漢帝及諸王送死。皆珠襦玉匣。匣形如鎧甲。連以金縷。皆鏤為蛟龍鸞鳳龜麟之象。世謂蛟龍玉匣。霍光傳。賜璧珠璣玉衣。梓宮。則人臣亦可稱蛟龍玉匣。公哀李光弼詩。零落蛟龍匣。同義。漢書。元狩六年。霍去病以驃騎將軍薨。其年畧與武同。故比之。曾子問。盡一哀反位。遺後想武以後事。託公。

旅夜書懷

細草微風岸。危檣獨夜舟。星隨平野闊。月湧大江流。

名。豈。文。章。著。官。因。老。病。休。飄。飄。何。所。似。天。地。一。沙。鷗。

陰鏗詩。度鳥息危檣。王粲詩。獨夜不能寐。揚雄傳贊。雄好古而樂道。其意欲求文章成名于後世。前四句。句。旅夜。後四句。句。書懷。

放船

收帆下急水。卷幔逐回灘。江市戎戎暗。山雲淅淅寒。荒林無徑入。獨鳥怪人看。已泊城樓底。何曾夜色闌。

淅音閏。庾肩吾詩。離舟卷幔城。詩。何彼穠矣。注。穠穠猶戎戎。張衡豕賦。乃樹靈木戎戎。繁霜。禮運。龍以為畜。故魚鮪不淅。注。群隊驚散貌。淅淅狀雲物散而不定也。此詩述放船之速。急水二字屬詩眼。惟其水急。故船速也。中二聯俱屬暮景。言當放船時。已暮矣。及其泊于城樓之底。未曾夜闌。何其放之

速耶

送王侍御往東川放生池祖席

東川詩友合。此贈怯輕為。况復傳宗近。空然惜別離。  
梅花交近野。草色向平池。倘憶江邊臥。歸期願早知。

佛家有南宗北宗  
傳宗近切放生池

雲安九日鄭十八攜酒陪諸公宴

鄭十八名賁雲安人

寒花開已盡。菊蕊獨盈枝。舊摘人頻異。輕香酒暫隨。  
地偏初衣袂。山擁更登危。萬國皆戎馬。酣歌淚欲垂。

說文袂無絮衣秋典賦籍莞  
弱御袷衣記孝子不登危

答鄭十七郎一絕

雨後過畦潤。花殘步履遲。把文驚小陸。好客見當時。

小陸陸雲也比鄭十八當  
時置驛留賓比鄭十七

別常徵君

兒扶猶杖策。臥病一秋強。白髮小新洗。寒衣寬總長。  
故人憂見及。此別淚相忘。各逐流萍轉。來書細作行。

憂見及頂上來唯其日日待為之憂  
有甚于別者故此別相忘淚下耳

長江二首

衆水會涪萬。瞿塘爭一門。朝宗人共挹。盜賊爾誰尊。

孤石隱如馬。高蘿垂飲猿。歸心異波浪。何事即飛翻。

舊書涪州涪陵郡武德元年以渝州之涪陵鎮置萬

州南浦郡武德二年析信州置俱屬山南東道

經江水又東逕廣谿峽注斯乃三峽之首也峽中有

瞿唐黃龍二灘寰宇記瞿唐在夔州東一里

彼流水朝宗于海朝宗二句言水之朝宗人所挹

注如禹之疏鑿是也爾輩盜賊何尊此長江以為險

乎盜賊如公孫述之類水經注江中有孤石為涪

州記灩澦堆夏月漲沒數十丈其狀如馬舟人不敢

進樂府涪豫大如馬瞿唐不可下水經注瞿唐

峽多猿猿不生北岸非惟一處或取之放著北山中

初不聞聲吳均書企水之猿百臂相接謝靈運游名

山志觀掛猿下飲百丈相連公客居詩蒼濤鬱飛

翻亦切波浪以比歸之跋涉此作情景夾敘又屬

浩浩終不息。乃知東極臨。眾流歸海意。萬國奉君心。

色借瀟湘闊。聲驅灩澦深。未辭添霧雨。接上遇衣襟。

尚書大傳小水大水東流歸海楚詞霧雨淫淫白

皓膠只鄒陽傳浮雲出游霧雨咸集江中水氣浸

淫故多霧雨衣襟為之濕耳又杜詩博議江流之大

不辭霧雨逆接江流而上過人衣襟之間所謂波浪

兼天者如此此作與上同格惟結不同耳

承聞故房相公靈輓自閬州啓殯歸葬東都

有作二首

遠聞房太尉。歸葬陸渾山。一德興王後。孤魂久客間。

孔明多故事。安石竟崇班。他日嘉陵淚。仍沾楚水還。

唐書瑄河南人少好學與東平呂向偕隱陸渾山十年書咸有一德瑄相肅宗中典故以一德與王許之俗作玄齡之後非是蜀志陳壽與荀勗等定故蜀丞相諸葛亮故事二十四篇以進謝安傳安薨時年六十六帝三日臨于朝堂賜東園秘器朝服贈太傅諡曰文靖及葬加殊禮依大司馬桓温故事孔明如孔明言生前安石句言死後多故事言房相政蹟一如孔明故事之多○江水流至夔州為楚水公在閩州曾哭瑄墓故言此淚曾隨江水而來也

丹旄飛飛日初傳發閩州風塵終不解江漢忽同流

劍動親身匣書歸故國樓盡哀知有處為客恐長休

丹旄銘旌也王褒送葬詩丹旄書空位寡婦賦飛旄翻以啓路風塵謂崔旻之亂謝惠連詩裁為親身服著以俱寢興劍動二句見書劍之外無他物也毛文濤曰前日孤魂久客間今日為客恐長

休念房客魂遂自悲客死耳

將曉二首

石城除擊柝鐵鎖欲開關鼓角愁荒塞星河落曙山

巴人常小梗蜀使動無還垂老孤帆色飄飄犯百蠻

水經江水逕臨江縣南左逕石城南巴漢志胸臆縣山有大小石城漢胸臆唐雲安也黃崔曰巴人常小梗謂上元間劍南東川節度兵馬使段子璋反伏誅寶應初劍南西川兵馬使徐知道反伏誅明年劍南西山兵馬使崔旻反殺成都節度使郭英又唐書諸蠻羈縻州九十二隸戎州都督府孤帆二句往來舟中遍歷蠻方也○前四將曉景事後則將曉心事

軍吏迴官燭舟人自楚歌寒沙縈薄霧落月去清波

壯○惜○身○名○晚○衰○慚○應○接○多○歸○期○日○簪○笏○筋○力○定○如○何○  
壯衰二字微讀壯時過而惜身名之晚衰年至而慚應接之多所以筋力瘁微而無心簪笏耳○此與上首格律相同

懷錦水居止二首

軍○旅○西○征○僻○風○塵○戰○伐○多○猶○聞○蜀○父○老○不○忘○舜○謳○歌○  
天○險○終○難○立○柴○門○豈○重○過○朝○朝○巫○峽○水○遠○逗○錦○江○波○  
唐書永泰元年冬十月劍南節度使郭英又為兵馬使崔旰所殺邛州牙將栢茂琳瀘州牙將揚子琳劍州牙將李昌夔等共起兵討之○軍旅句言因軍旅而西征僻地也公自謂父老謳歌言不忘思念朝廷天險二句謂蜀門雖屬天險民心歸唐久矣逆寇終難可恃不久自敗耳柴門豈有重過之日乎唯

此巫峽之水已遠逗錦江之波矣即物興懷也

萬○里○橋○西○宅○百○花○潭○北○莊○層○軒○皆○面○水○老○樹○飽○經○霜○  
雪○嶺○界○天○白○錦○城○曛○日○黃○惜○哉○形○勝○地○回○首○一○茫○茫○

公前詩萬里橋西一草堂百花潭水即滄浪正此註脚史萬歲詩界天自嶺勝金湯劍閣銘形勝之地匪親勿居○前首去草堂之故而致懷此首回想草堂之景而致懷意不相復

青絲南史侯景傳初童謠曰青絲白馬壽陽來及景之叛乘白馬青絲以應識

青○絲○白○馬○誰○家○子○龕○豪○且○逐○風○塵○起○不○聞○漢○主○放○妃○  
嬪○近○靜○潼○關○掃○蜂○蟻○殿○前○兵○馬○破○汝○時○十○月○即○為○虜○  
粉○期○未○如○面○縛○歸○金○闕○萬○一○皇○恩○下○玉○墀○  
此以侯景比僕固懷

恩也唐書廣德二年十月懷恩與回紇吐蕃進逼奉天永泰元年九月又誘回紇吐蕃吐谷渾党項奴刺俱入寇舊唐書永泰元年二月內出宮女千人品官六百人守洛陽宮此與肅宗收京即放宮女三千皆盛德事故借漢主為言不聞謂豈不聞乎唐書吐蕃陷長安涇州刺史高暉為鄉導吐蕃道帥三百驍騎東走潼關守將李日越擒而殺之殿前兵馬謂神策軍也兵志云廣德元年代宗幸陝魚朝恩舉神策軍迎扈後以軍歸禁中自將之永泰元年又以神策軍屯苑中自是浸盛分為左右廂勢居北軍右數出征伐有功莊子使宋王而寤子為齏粉矣史記注面縛者縛手于背面向前也○此諷懷恩歸正之作

三絕句

前年渝州殺刺史。今年開州殺刺史。羣盜相隨劇虎

狼食人更肯留妻子。

唐書開州盛山郡屬山南西道本萬州郡天寶元年更名天

寶亂後蜀中山賊塞路渝開之事史不及書耳更肯留言斷不肯留也正其劇於虎狼處

二十一家同入蜀。惟殘一人出駱谷。自說二女齧臂

時。迴頭却向秦雲哭。

唐書興道有駱谷路南口曰儻谷北口曰駱谷駱谷關在京

兆府盤屋縣西南一百二十里漢魏舊道也南通蜀漢史記吳起出衛國門與母訣齧臂而盟劉孝

威詩秦雲猶變色

殿前兵馬雖驍雄。縱暴略與羌渾同。聞道殺人漢水

上。婦女多在官軍中。

羌渾党項羌吐谷渾也唐書党項古析支地東距松州北隣吐

谷渾○代宗任用中人專倚禁軍以平禍亂不知縱暴故深刺之

唐書本紀永泰元年九月僕固懷恩誘党項奴刺寇同州及鳳翔蓋屋此詩末章云縱暴略與羌渾同則知其時為寇者乃羌渾也次章云惟殘一人出駱谷駱谷關在蓋屋西南又知二十一家因避羌渾而入蜀也

遣憤

聞道花門將論功未盡歸自從收帝里誰復總戎機  
蜂蠶終懷毒雷霆可震威莫令鞭血地再濕漢臣衣

通鑑永泰元年十月郭子儀使白光元帥精騎與回紇將藥葛羅追吐蕃于靈臺西原大破之又破之於涇州東于是回紇都祿督等二百餘人入見前後贈資緡帛十萬匹府藏空竭稅百官俸以給之所謂論功未盡歸也吐蕃敗去京師解嚴時魚朝恩統神機出納帝命歸謂歸其本國王猛辭表總督戎

策軍勢浸盛誰復總戎機蓋諷中人典兵而任子儀之不專也漢賈山傳人主之威非特雷霆也此諷代宗當振作耳左傳齊侯誅屨于徒人費弗得鞭之見血于慎行曰初雍王見回紇可汗于黃河北責雍王不於帳前舞蹈車鼻遂引藥子昂李進章少華魏琚各榜捶一百少華琚一宿而死漢臣鞭血正記此事此說極合公追憶回紇助討朝義時其肆毒如此今助討吐蕃母再濕漢臣衣可也觀一再字可見舊注引漢書禁中非刑人鞭血之地于此無涉此作諷花門之不可過在與留花門同意

十二月一日三首

今朝臘月春意動雲安縣前江可憐一聲何處送書雁  
百丈誰家上瀨船未將梅蕊驚愁眼更取椒花媚遠天  
明光起草人所羨肺病幾時朝日邊

演繁露劈竹為大瓣

用麻繩連貫以為牽具是名百丈晉樂府那阿灘沿江引百丈一濡多一艇吳都賦直衝濤而上瀨十二月一日去元日已近故用椒花獻頌事媚即古樂府入門各自媚之媚詩解云媚遠天即詩媚于天子意故下遂接以明光云云晉明帝云不聞人是日邊來故指長安為日邊肺病公自謂○三首公厭居雲安欲移舟而作

寒輕市上山烟碧日滿樓前江霧黃負鹽出井此溪

女打鼓發船何郡郎新亭舉目風景切茂陵著書消

渴長春花不愁不爛熳楚客惟聽棹相將雲安人家有鹽井其

俗以女當門戶皆販鹽自給峽中多曲江有峭石兩舟相觸急不及避故發船多打鼓王導傳每至暇日邀飲新亭周顛中坐嘆曰風景不殊舉目有江山之異通鑑注新亭去江寧縣十里近臨江渚儀

禮注相將彼此相扶助晉江陵樂陽春二三月相將蹋百草棹相將公欲移舟出峽○前四雲安所見所聞後

四寫懷

即看燕子入山扉豈有黃鸝歷翠微短短桃花臨水

岸輕輕柳絮點人衣春來準擬開懷久老去親知見

面稀他日一杯難強進重嗟筋力故山違此首亦根春意動來

乃逆計之詞前四句預透春來二字意在上故第五句緊接之他日亦即春來之日也故山指長安

又雪

南雪不到地青崖霑未消微微向日薄胍胍去人遙

冬熱鴛鴦病峽深豺虎驕愁邊有江水焉得北之朝



南方地煖雪至半空而消故曰不到地青崖山之高处故霑之未消吳均詩呱呱留南浦○前六寫事末語感懷

雨

冥冥甲子雨已度立春時輕箠須相向織絺恐自疑烟添纔有色風引更如絲直覺巫山暮兼催宋玉悲

朝野僉載春雨甲子赤地千里因甲子雨而恐旱早則熱必甚故接下輕箠云云乃預擬之詞賦于時乃屏輕箠釋織絺注箠扇也織絺細葛張協詩騰雲似湧烟密雨如散絲巫山暮雨後昏朦之狀非用暮為行雨故實宋玉悲公自况其悲非實指涼如秋也

南楚

通典夔州春秋魚國後屬楚巫山縣楚置故稱南楚

南楚青春異暄寒早早分無名江上草隨意嶺頭雲正月蜂相見非時鳥共聞杖藜妨躍馬不是故離羣

隨意嶺頭雲翻無心出岫案杖藜公自謂衆皆躍馬公獨杖藜不與衆相逐故曰離群

老病

老病巫山裏稽留楚客中藥殘他日裏花發去年叢夜足霑沙雨春多逆水風合分雙賜筆猶作一飄蓬

言我既為尚書郎應分雙賜之筆胡乃卧病舟中作此飄蓬之狀耶于無聊中不甘老病意

水閣朝霽奉簡雲安嚴明府

東城抱春岑江閣隣石面崔嵬晨雲白朝旭射芳甸

雨檻臥花叢。風床展書卷。鈎簾宿鷺起。丸藥流鶯囀。  
呼婢取酒壺。續兒讀文選。晚交嚴明府。矧此數相見。  
謝朓詩雜英滿芳甸。沈約詩雨檻雲欄。晉陳壽傳父喪有疾使婢丸藥。前十句皆水閣朝霽景事。嚴明府只末一點。

杜鵑

西川有杜鵑。東川無杜鵑。涪萬無杜鵑。雲安有杜鵑。  
我昔遊錦城。結廬錦水邊。有竹一頃餘。喬木上參天。  
杜鵑暮春至。哀哀叫其間。我見常再拜。重是古帝魂。  
生子百鳥巢。百鳥不敢嗔。仍為餒其子。禮若奉至尊。

黃希曰白頭吟郭東亦有樵郭西亦有樵此詩起法本此吳曾漫錄樂府江南詞魚戲蓮葉東魚戲蓮葉西魚戲蓮葉南魚戲蓮葉北公正用此格下昔我遊錦城至哀哀叫其間應西川有杜鵑句君看禽鳥情至淚下如迸泉應雲安有杜鵑句何胥詩古木上參天

古前行飛與跪乳。識序如知恩。聖賢古法則。付與後

世傳。春秋繁露雁有行列羔飲其母必跪皆類知禮者故以為贄羊祐雁賦鳴則相和行則接武前不絕貫後不越序行飛鴻雁也跪乳羔羊也識序鴻雁也知恩羔羊也聖賢法則之以傳後世應有禮太古前句○此段拓開一意言不特百鳥奉杜鵑如至尊即羔雁亦秩然有禮如此君看禽鳥

情猶解事杜鵑。今忽暮春間。值我病經年。身病不能拜。淚下如迸泉。劉琨詩據鞍長嘆息淚下如流泉身病不能拜應上我見常再拜句淚

下如迸泉嘆不得禮若奉至尊也○趙次公曰此詩譏世之不修臣節者曾禽鳥之不若耳大意與杜鵑行相表裏

子規

峽裏雲安縣江樓翼瓦齊兩邊山木合終日子規啼

眇眇春風見蕭蕭夜色淒客愁那聽此故作傍人低

蔡曰翼瓦謂簷宇飛揚如鳥之張翼也斯干詩如鳥斯翼○前四敘聞子規之地領聯一言形一言聲末情則寫

近聞

唐書永泰元年十月郭子儀與回紇定約共擊退吐蕃時僕固名臣及党項帥皆來降大曆元年二月命楊濟修好吐蕃吐蕃遣首領論泣陵來朝此詩蓋記其事

近聞犬戎遠遁逃牧馬不敢侵臨洮渭水透迤白日

靜隴山蕭瑟秋雲高崆峒五原亦無事北庭數有關

中使似聞普贊更和親舅甥和好應難棄渭水二句言犬戎遠

通故山水亦覺其清靜也唐書鹽州五原郡屬關內道元和郡國志五原者龍游原乞地千原青嶺原

崑崙貞原橫槽原地志崆峒有三此與五原並舉當指在平涼者言之五原今榆林地直長安西北與

靈州接壤先是僕固懷恩自靈州合吐蕃回紇入寇今吐蕃敗走故崆峒五原皆無事也通鑑北庭節度

統瀚海天山伊吾三軍屯伊西二州境關中之使來自北庭正指吐蕃而言唐書貞觀十五年文成

公主下降吐蕃景龍二年金城公主復降吐蕃開元二年贊普乞和親上書言許與通聘即日舅甥如初

客居

客居所居堂前江後山根下塹萬尋岸蒼濤鬱飛翻  
葱青衆木梢邪豎雜石痕子規晝夜啼壯士歛精魂

峽開四千里水合數百源人虎相半居相傷終兩存

沈約詩林薄杳葱青 又傾壁復邪豎 恨賦拱木

歛魂 荆州記云巫峽首尾一百六十里 公詩峽開

四千里 荑統論江山之大勢非專指峽山 宋肇三

峽堂記 峽江綿跨西南諸夷合牂牁越雋夜郎烏蠻

之水縈紆曲折掀騰洶湧咸歸納于峽口實衆水之

會也 以上言客堂形勢并遠近大小景事之惡

蜀麻久不來吳鹽擁荆門西南失大將商旅自星奔

今又降元戎已聞動行軒舟子候利涉亦憑節制尊

蜀出麻吳出鹽兩相貿易因兵亂壅塞故云然 失

大將謂郭英又為崔旰所殺 廣絕交論莫不望影

星奔 通鑑大曆元年二月以杜鴻漸為山南西道

劍南東西川副元帥劍南西川節度使以平蜀亂

候利涉謂艤舟以待 我在路中央生理不得論卧

此段敘所以客居之由

愁病脚廢徐步視小園短畦帶碧草悵望思王孫鳳

隨其凰去籬雀暮喧繁覽物想故園十年別鄉村日

暮歸幾翼北林空自昏安得覆八溟為君洗乾坤稷

契易為力犬戎何足吞儒生老無成臣子憂四藩篋

中有舊筆情至時復援 雲安路在荆蜀之間故曰路

中央 劉安招隱士王孫游

今不歸春草生兮萋萋 趙曰見碧草則思王孫見

雀喧則懷鳳舉皆因小園感興 宋肆夏樂歌許謨

定命辰告四蕃 曹植詩援

筆從此辭 此段客居之懷

客堂

憶昨離少城。而今異楚蜀。捨舟復深山。窅窕一林麓。  
 棲泊雲安縣。消中內相毒。舊疾甘載來。衰年得無足。  
 死為殊方鬼。頭白免短促。老馬終望雲。南雁意在北。  
 別家長兒女。欲起慚筋力。待無足謂病劇他作弱無足非○古詩代馬思朔雲  
赭白馬賦望朔雲而蹠足、意謂客居多病總死亦非天折但思戀故土獸鳥亦不免耳况別家既久昔日兒童已長大矣即欲圖歸其如筋力不副何哉○此段客中之懷舉一身而言客堂序節  
 改。具物對羈束。石暄蕨牙紫。渚秀蘆筍綠。巴鶯紛未  
 稀。徼麥早向熟。悠悠日動江。漠漠春辭木。具物即下所言景物

也羈束公自謂陸璣詩疏蕨山菜初生似蒜莖紫墨色可食如葵謝靈運詩野蕨漸紫苞爾雅疏葍一名蘆葵一名蘆蘆或謂之荻郭云今江東人呼蘆筍為蘆 鶩未稀而麥向熟正是春去夏來之時所以感懷於節序○  
 臺郎選才俊。自顧亦已極。前輩聲名。人埋沒何所得。居然縮章綬。受性本幽獨。平生憇

息地。必種數竿竹。事業只濁醪。營葺但草屋。上公有記者。累奏資薄祿。主憂豈濟時。身遠彌曠職。循文廟  
 算正。獻可天衢直。尚想趨朝廷。毫髮裨社稷。形骸今

若是進退委行色。漢官儀尚書郎初從三署郎選詣尚書臺試每一郎闕則試五人先試牋奏初入臺稱郎中滿歲稱侍郎孔融荐禰衡表路粹嚴象以異才擢拜臺郎杜氏通典龍朔二年改

尚書省為中臺後復為尚書省亦謂之省臺章級  
 謂所服緋魚晉書王子獻所居必種竹自云不可  
 一日無此君上公謂嚴武許后傳曠職尸官  
 孫武子兵未戰而廟算勝者得算多也左傳獻可  
 晉否曹植詩閶闔開天衢臺郎六句語意謂臺郎  
 之選本屬才俊而以我廁其間自顧恩遇亦已極矣  
 前輩聲名之人埋沒不少而我居然縮其章級但受  
 性本喜幽獨不堪此職耳下文申言此意而以多病  
 不得裨益朝廷為歎應上消中句○此段  
 客中之懷念及朝廷與棲泊雲安段迥別

石硯原注平侍御者

平公今詩伯秀發吾所羨奉使三峽中長嘯得石硯  
 巨璞禹鑿餘異狀君獨見其滑乃波濤其光或雷電  
 聯坳各盡墨多水遞隱見揮灑容數人十手可對面

比公頭上冠貞質未為賤

江賦巴東之峽夏后疏鑿唐書法冠者御史大夫

中丞御史之服一名解豸冠○以上敘得硯之由并稱其光潤質性之妙當公賦佳句况

得終清宴公舍起草姿不遠明光殿致于丹青地知

汝隨顧盼

清宴即清閒鹽鐵論公卿者神化之丹青○此歸到平公作結應還詩伯

贈鄭十八賁

温温士君子令我懷抱盡靈芝冠眾芳安得闕親近

詩温温恭人靈芝比其神秀唯其妙質如此安得闕于親近手○四句贊鄭起遭亂意不

歸竄身亦非隱細人尚姑息吾子色愈謹高懷見物

理識者安肯哂卑飛欲何待捷徑應未忍示我百篇

文詩家一標準

遭亂二句公自謂檀弓細人之愛人也以姑息安肯晒因其色愈謹

耳孫武子鷲鳥將擊甲飛藏翼張衡應問捷徑邪至吾不忍以投步言鄭其心下位不失足于邪

徑孫綽丞相碑道德之標準

此段敘鄭交誼并其才品

顏閔水陸逃畏途藥餌駐脩軫古人日已遠青史字

不泯步趾味唐虞追隨飯葵莖數杯資好事異味煩

縣尹心雖在朝謁力與願矛盾抱病排金門衰容豈

為敏漢李固傳通游夏之藝顏閔之仁左思賦水陸所湊兼六合而交會焉江適賦駐修軫于

平原劉楨詩步趾慰吾身圖經本草葵處處有

之苗葉作菜茹甚甘爾雅齧苦芹注今莖葵也葉似

柳子如米泔食之滑後漢書太原閔仲叔徵博士

不到客居安邑老病家貧不能得肉日買猪肝一片

安邑令聞之敕吏常給仲叔曰豈可以口腹累安邑

令遂去尸子楚人有鬻矛與盾者曰吾盾之堅莫

能陷也又曰吾矛之利于物無不陷也或曰以子之

矛陷子之盾何如其人弗能應也解嘲歷金門上

玉堂左傳魯人以

別蔡十四著作

鶴曰永泰元年成都尹郭英義為崔肝所殺時蔡著作出

使成都扶其櫬歸咸京公

相逢于雲安故有此作

賈生慟哭後寥落無其人安知蔡夫子高義邁等倫

獻書謁皇帝志已清風塵流涕灑丹極萬乘為酸辛

天地則瘡痍朝廷多正臣異才復間出周道日惟新

朝廷句泛講異才句屬蔡此使蜀見知己別顏始

段言蔡敘前事說起上書切諫

一伸主人薨城府扶觀歸咸京巴道此相逢會我病

江濱舊史英義奔簡州普州刺史韓澄斬其首送崔

時敘段敘憶念鳳翔都聚散俄十春我衰不足道但願子

章陳稍令社稷安自契魚水親我雖消渴甚敢忘帝

力勤尚思未朽骨復觀耕桑民上云獻書謁皇帝此

宗在鳳翔時著作上書言事自至德二載至大曆元

年恰當十春也章陳章疏陳達蜀志先主曰孤

之有孔明猶魚之有水北魏節閔帝詩君臣體魚水

書軌一華戎○此段欲蔡還京時以時事陳于朝廷

而甦民困因蔡能痛積水駕三峽浮龍倚長津揚舲

洪濤間仗子濟物身鞍馬下秦塞王城通北辰玄甲

聚不散兵久食恐貧窮谷無粟帛使者來相因若馮

南轅使書札到天垠晉書王濬造戰船時謠曰不畏

高浪駕蓬萊浮龍倚長津仗子句即若濟巨川用

汝作舟楫意鞍馬二句言著作出峽復從陸道歸京

茂林等舉兵討之大曆元年三月山南西道節度使

張獻誠與肝戰于梓州大敗左傳令尹南轅返旆

夔州在長安之南故自長安來者為南轅爾雅

九天之際曰九垓○積水六句序歸途之事玄甲

寄常徵君

漢魏以來起隱士謂之徵君後漢

韓康傳亭長以韓徵君當至方修

道橋鶴曰徵君去秋曾訪

公雲安今在開州寄此詩

白水青山空復春徵君晚節傍風塵楚妃堂上色殊



衆海鶴塔前鳴向人萬事糾紛猶絕粒一官羈絆實

藏身開州入夏知涼冷不似雲安毒熱新楚妃楚莊王夫人樊

姬也事見列女傳古今樂錄張永元嘉技錄有吟嘆四曲一日楚妃嘆

鮑照詩風夜聞海鶴藏身即東方朔避世金馬門與何偃書盤紆糾紛

意此二句周旋語時常必居官開州故有末句○此詩可作北山移文一通讀然徵君之出必有不得已者故公詩似嘲實是譽也

寄岑嘉州

杜確岑參集序參自庫部正郎出為嘉州杜鴻漸表為職方郎中兼侍御史列于幕府無幾罷寓居于蜀

不見故人十年餘不道故人無素書願逢顏色關塞

遠豈意出守江城居原注州據外江三峽此相接斗

酒新詩終自疎謝朓每篇堪諷誦馮唐已老聽吹噓

泊船秋夜經春草伏枕青楓限玉除眼前所寄選何

物贈子雲安雙鯉魚春草湖名青楓江名古詩客從遠方來遺我雙鯉魚○此詩

翻眺每篇二句作轉軸已上言岑馮唐下公自謂寄字末一點

移居夔州作

唐書夔州雲安郡屬山南東道寰宇記夔州雲安縣上水去夔州奉節縣二百四十二里

伏枕雲安縣遷居白帝城春知催柳別江與放船清

農事聞人說山光見鳥情禹功饒斷石且就土微平

舊注沿峽皆因開鑿而成故少平土唯夔州稍平耳○春知我去故催柳而別江因我渡故放舟而清造

杜詩會

意亦深 公經心于農事 是時方春故止聞人說也

船下夔州郭宿雨濕不得上岸別王十二判

官

依沙宿舸船石瀨月娟娟風起春燈亂江鳴夜雨懸

晨鐘雲岫濕勝地石堂烟柔艣輕鷗外含悽覺汝賢

岫一作外烟一作偏○楚詞石瀨兮淺淺鮑照玩

月詩娟娟似蛾眉蔡邕霖雨賦懸長雨之霖霖

薛道衡詩石濕曉雲濃晨鐘勝地畧讀言當晨鐘

而濕雲乍起當勝地而石堂烟生耳汝賢結還王

言泛舟水邊悽然相念者唯有汝耳○按自宿而月

而燈而夜雨而晨鐘而曉烟而鷗從薄暮至平明勝

景歷歷清出雲岫濕石堂烟即濕雲烟石

倒裝法乃宿雨景狀耳世解紛紛殊不體認

漫成一首

江月去人只數尺風燈照夜欲三更沙頭宿鷺聯拳

靜船尾跳魚撥刺鳴跳平聲撥音潑刺力達切○梁

深謝莊翫月詩水鷺足聯拳

謝靈運賦魚水深而撥刺

引水魯嘗曰夔俗無井皆以竹引山泉而飲蟠窟山腹間有至數百丈者

月峽瞿塘雲作頂亂石崢嶸俗無井雲安沽水奴僕

悲魚復移居心力省白帝城西萬竹蟠接筒引水喉

不乾人生流滯生理難斗水何直百憂寬雲作頂地勢高峻雲

氣往來也舊唐書奉節縣屬夔州本漢巴郡魚復

縣今縣北三里赤甲城是也貞觀中改為奉節莊

子期斗升水之活。○月峽三句俱溯前此取水之難。反照見夔州引水之樂。

寄韋有夏郎中

省郎憂病士。書信有柴胡。飲子頻通汗。懷君想報珠。親知天畔少。藥餌峽中無。歸楫生衣臥。春鷗洗翅呼。猶聞上急水。早作取平塗。萬里皇華使。為僚記腐儒。

師曰柴胡可煎為飲子服之通汗。四愁詩何以報之明月珠。謝眺詩浩蕩別親知。○此詩以柴胡飲于方寄公公故答之。猶聞四句謂郎中。

上白帝城

十道志後漢公孫述偽稱白帝據西方色尚白也。

城峻隨天壁。樓高望女墻。江流思夏后。風至憶襄王。

老去聞悲角。人扶報夕陽。公孫初恃險。躍馬意何長。

水經注白帝山城周迴二百八十步北緣馬嶺接赤岷山其間平處南北相去八十五丈東西七十丈又東傍灤溪即以為隍西南臨大江瞰之眩目唯馬嶺小差透迤猶斬山為路羊腸數轉然後得上。釋名城上垣謂之女墻言其卑小比之于城如女子之于丈夫古今注女墻城上小墻亦名睥睨。風賦楚襄王游于蘭臺之宮有風颯然而至王乃披襟當之曰快哉此風。蜀都賦公孫躍馬而稱帝。○前四景後情。

上白帝城二首

江城含變態。一上一回新。天欲今朝雨。山歸萬古春。英雄餘事業。衰邁久風塵。取醉他鄉客。相逢故國人。

兵戈猶擁蜀。賦歛強輸秦。不是煩形勝。深慙畏損神。  
一上一回新接前日已上而言正見變態不常○前四句城前景以下俱言情末二語意謂不是貪形勝而頻登亦畏傷神而消遣耳應哀邁句

白帝空祠廟。孤雲自往來。江山城宛轉。棟宇客徘徊。

勇略今何在。當年亦壯哉。後人將酒肉。虛殿日塵埃。

谷鳥鳴還過。林花落又開。多慙病無力。騎馬入青苔。

李貽孫夔州都督府記白帝城東南斗上二百七十步得白帝廟後漢書公孫述討宗成王岑之亂遂有蜀土僭帝號十二年○此詩全首咏白帝廟廟在城中故以上白帝城括之上字只末聯作結

陪諸公上白帝城頭宴越公堂之作原注越公楊素

也有堂在城上畫像尚存

此堂存古制。城上俯江郊。落構垂雲雨。荒堦蔓草茅。

柱穿蜂溜蜜。棧缺燕添巢。坐接春盃氣。心傷艷蕊梢。

英靈如過隙。宴衍願投醪。莫問東流水。生涯未即拋。

英靈謂越公莊子人生天地間若白駒之過隙詩嘉賓式燕以衍古樂府以膠投漆中誰能別離此駱賓王詩一心一意無窮已投漆投醪非足擬○前六咏越公堂後則宴時之情

### 白帝城最高樓

城尖徑仄旌旆愁。獨立縹緲之飛樓。峽坼雲霾龍虎睡。江清日抱鼉鼉游。扶桑西枝封斷石。弱水東影隨。

長流杖藜嘆世者誰子。泣血迸空回白頭。旌旆城上所樹者

龍虎睡言雲氣昏靈崗巒相映發如此。扶桑在東故曰西枝弱水在西故曰東影。中四俱獨立中所見峽坼二句近景扶桑二句遠景末聯蓋自傷也。

武侯廟 張震武侯祠堂記唐夔州治白帝武侯廟在西郊

遺廟丹青落。空山草木長。猶聞辭漢主。不復臥南陽。

蜀志後主建興五年亮率諸軍北駐漢中臨發上表蜀志注漢晉春秋云亮家于南陽之鄧縣在襄陽城西二十里號曰隆中。猶聞二句空山精爽如聞如見耳。

八陣圖 荆州圖副云永安宮南一里渚下平積上有孔明八陣圖聚細石為之各

高五尺廣十圍歷然碁布縱橫相當中間相去九尺正中開南北巷悉廣五尺凡六十四

聚或為人散亂及為夏水所沒冬時水退復依然如故。成都圖經武侯八陣有三在夔者六十有四方陣法也在彌牟鎮者二十有八當頭陣法也在碁盤市者二百五十有六下營陣法也。公所咏在夔州者。

功蓋三分國。名成八陣圖。江流石不轉。遺恨失吞吳。

刪通傳功蓋天下者不賞。出師表今天下三分益州罷弊。史昭烈敗秭歸諸葛亮曰法孝直若在必能制主上東行就使東行必不傾危觀此則征吳非孔明意也。公此詩正謂孔明不能止征吳之舉致秭歸挫辱為生平遺恨耳。蘇注偽撰頗謬。

謁先主廟 方輿勝覽先主廟在奉節縣東六里

慘澹風雲會。乘時各有人。力侔分社稷。志屈偃經綸。

復漢留長策。中原仗老臣。雜耕心未已。歐血事酸辛。

霸氣西南歇。雄圖曆數屯。錦江元過楚。劍道復通秦。

吳越春秋湯武乘四時之利而制夏殷。陸機疏德均則衆者勝寡力侔則安者制危。志屈句頂力侔

來唯其勢均力敵所以志屈而不得展其經綸也。蜀志亮與司馬宣王對于渭南每患糧不繼分兵屯

田為久駐之基耕者雜于渭濱居民之間百姓安堵軍無私焉。魏志亮糧盡勢窮憂患嘔血一夕燒營

遁走入谷道發病卒。西南指蜀地。謝眺詩雄圖

帳若茲。舊注錦江劍閣蜀地也。過楚通秦傷其不

久而合于晉。此舊俗存祠廟。空山泣鬼神。虛簷交

段先敘先主時事。鳥道。枯木半龍鱗。竹送清溪月。苔移玉座春。閭閻兒

女換歌舞歲時新。江總詩虛簷靜暮雀。抱朴子松樹其皮中有脂狀如龍形。舊注

青溪指豐溪未安言在豐溪溪側。謝眺詩玉座猶

寂寞。閭閻二句言人民雖異廟享常新見先主遺

澤在人意。絕域歸舟遠。荒城繫馬頻。如何對搖落。

况乃久風塵。孰與關張竝。功臨耿鄧親。應天才不小。

得士契無隣。遲暮堪帷幄。飄零且釣緡。向來憂國淚。

寂寞灑衣巾。孰一作勢搖落指秋日。陳書蕭摩訶

張蜀志譙周等上言聖王應際而生與神合契願

大王應天順民。高祖記運籌帷幄之中吾不如子

房詩其釣維何維緡與絲。沈約詩寧假濯衣巾。此段謂廟情事純是自傷語意謂我今留滯荒城

木詩會釋  
國之淚能  
無沾衣乎

諸葛廟

久遊巴子國。屢入武侯祠。竹日斜虛寢。溪風滿薄帷。  
君臣當共濟。賢聖亦同時。翊戴歸先主。并吞更出師。  
蟲蛇穿畫壁。巫覡醉蛛絲。歛憶吟梁父。躬耕也未遲。  
水經注江州縣故巴子之都春秋桓九年巴子使韓服告楚請與鄧好是也三巴記其地東至魚復西至夔道北接漢中南極泮河咏懷詩薄帷鑒明月國語在男曰覲在女曰巫東京賦巫覡操蒨揚雄蜀都賦蜘蛛作絲不可見風出師表臣本布衣躬耕南陽此公以孔明自况即遲暮堪帷幄意○首四句咏廟中四句咏孔明末四句因廟而生情竹日二句廟外景蟲蛇二句廟中景不涉架壘

古柏行

此詩咏夔州諸葛廟栢公夔州十絕云武侯祠堂不可忘中有松栢參天

長義同

孔明廟前有老栢。柯如青銅根如石。霜皮溜雨四十圍。黛色參天二千尺。君臣已與時際會。樹木猶爲人愛惜。雲來氣接巫峽長。月出寒通雪山白。  
任昉述異記盧氏縣有盧君冢冢旁栢二株枝條蔭茂二百餘步根勁如銅石四十圍二千尺氣接巫峽寒通雪山皆假象爲大言以形其高大陰森耳雲來二句亦承愛惜來唯其愛惜所以得保天年如雲來云云耳樹木句又頂際會來惟其君臣一德遺澤于民所以人愛惜之即甘棠之思名公也○此段專咏夔州廟栢  
憶昨路繞錦城東。先主武侯同闕宮。崔嵬枝幹郊原

古窈窕丹青戶牖空。落落盤踞雖得地，冥冥孤高多

烈風。扶持自是神明力，正直元因造化功。寰宇記先王廟在成

都府西八里惠陵東七十步 成都記先王廟西院

即武侯廟前有雙大栢古峭可愛 詩闕宮有血

天台山賦實神明之所扶持。王羲之詩大矣造大

化工萬殊莫不均。此段以成都孔明廟栢作陪。大

厦如傾要梁棟。萬牛迴首丘山重。不露文章世已驚。

未辭剪伐誰能送。苦心豈免容螻蟻。香葉終經宿鸞

鳳。志士幽人莫怨嗟。古來材大難為用。文中子大厦

所支 晉書袁粲見王儉而嘆曰宰相之材也栢栢

豫章雖小已有棟梁之器 謝承後漢書方儲遭母憂

種松栢鸞棲其上 末段推

開以慨作結隱然自寓耳

負薪行

夔州處女髮半華。四五十無夫家。更遭喪亂嫁不

售。一生抱恨長咨嗟。土風坐男使女立。應當門戶女

出入。十有八九負薪歸。賣薪得錢應供給。至老雙鬢

只垂頸。野花山葉銀釵竝。筋力登危集市門。死生射

利兼鹽井。面敝首飾雜啼痕。地褊衣寒困石根。若道

巫山女。龕醜何得此。有昭君村。白帖處女室子也

名春貌醜嫁不售 陸游入蜀記峽中負物賣率多

婦人未嫁者為同心髻高二尺插銀釵至六隻後插

象牙梳如手大 蜀都賦乘時射利財豐巨萬 寰宇記歸州興山縣有王昭君宅即此邑人也村連巫



峽香溪在邑界即昭君所游○鶴曰負薪行以言夔州之女最能行以言夔州之男故一以昭君一以屈原喻之  
愚按此首結并下首結句無限激發大有移風易俗意舉一昭君屈原以作榜樣耳

最能行

峽中丈夫絕輕死。少在公門多在水。富豪有錢駕大舸。貧窮取給行艤子。小兒學問止論語。大兒結束隨商旅。欵帆側柁入波濤。檝旋梢瀆無險阻。朝發白帝暮江陵。頃來目擊信有徵。瞿唐漫天虎鬚怒。歸州長年行最能。此鄉之人器量窄。悞競南風疎。北客若道士無英俊。才何得山有屈原宅。  
東觀漢記吳漢勤勤不離公門  
文選注公

門職事之門也

方言南楚江湖湘凡船大者謂之舸

杜田補遺 舸小舟名戴嵩釣竿詩 渠花裝小舸

通鑑 隋記 蔡王智積有五男止教讀論語不令交

通賓客 江賦 漩環滌滢澗澗瀆瀑盛弘之 荊州

記 朝發白帝暮到江陵其間千二百里雖乘奔御風

不以疾也水經注 江水又經虎鬚灘灘水廣大夏

斷行旅又東逕羊腸虎臂灘全蜀總志 虎鬚潭在夔

州府治西水經注 袁山松曰歸鄉山秀水清故出

儻異地險流絕故其性亦隘左傳 南風不競水

經注 秭歸縣故歸鄉地理志 歸子國也縣北一百六

十里有屈原故宅累石為屋基今其地曰樂平里

同元使君舂陵行有序○  
同和也

覽道州元使君結舂陵行兼賊退後示官吏作二首  
志之曰當天子分憂之地效漢官良吏之目今盜賊

未息。知民疾苦。得結輩十數公。落落然參錯天下。為邦伯萬物吐氣。天下少安可待矣。不意復見比與體

制。微婉頓挫之詞。感而有詩。增諸卷軸。簡知我者不

必寄元。

唐書地理志道州江華郡屬江南西道。元結傳代宗立結授著作郎久之拜道州刺史。

沈約詩頓

挫敬通文

遭亂髮盡白。轉衰病相嬰。沉緜盜賊際。狼狽江漢行。

歎時藥力薄。為客羸瘵成。

以上自敘

吾人詩家秀。博采世

上名。粲粲元道州。前聖畏後生。觀乎春陵作。歛見俊

哲情。復覽賊退篇。結也實國楨。賈誼昔流慟。匡衡嘗

引經。道州憂黎庶。詞氣浩縱橫。兩章對秋月。一字借

華星。致君唐虞際。淳朴憶大庭。何時降璽書。用爾為

丹青。獄訟永衰息。豈惟偃甲兵。悽惻念誅求。薄歛近

休明。乃知正人意。不苟飛長纓。涼飈振南嶽。之子寵

若驚。色沮金印大。興含滄浪清。

吾人數句言吾于詩家之流博采有名者

而交之唯得道州也。匡衡傳衡為少傅數年上疏陳便宜及朝廷有政議傳經以對言多法義。兩章

即春陵行并賊退後詩。左傳序春秋以一字為褒貶。魏文帝詩華星出雲間。應璩思致君子有虞

賤。魏文帝詩華星出雲間。

應璩思致君子有虞

濟烝民于塗炭。

漢循吏傳二千石有治效輒用璽書勉勵。漢書龔遂治渤海郡中多蓄積獄訟止息

不苟飛長纓意欲掛冠也。即本序靜以待罪意。陶潛詩寵辱易不驚。

晉周顛傳今年殺諸賊奴取

金印如斗大繫肘後。正人以下因元詩有歸。我多老江湖之志故以此美之。○此段美元道州。長卿病。日夕思朝廷。肺枯渴太甚。漂泊公孫城。呼兒具紙筆。隱几臨軒楹。作詩呻吟內。墨淡字欹傾。感彼危苦詞。庶幾知者聽。此段自敘漂泊多病不能忘情者感于危苦也以望知者聽之而已。點題簡知我者不必寄元。

春陵行 有序

癸卯歲漫叟授道州刺史。道州舊四萬餘戶。經賊以來不滿四千。大半不勝賦稅。到官未五十日。承諸使徵求符牒二百餘封。皆曰失其限者。罪至貶削。嗚呼。

若悉應其命。則州縣破亂。刺史欲焉逃罪。若不應命。又卽獲罪。戾必不免也。吾將守官靜以安人。待罪而已。此州是春陵故地。故作春陵行以達下情。漢書零陵郡

道縣有春陵鄉

軍國多所須。切責在有司。有司臨郡縣。刑法竟欲施。供給豈不憂。徵歛又可悲。州小經亂亡。遣人實困疲。大鄉無十家。大族命單羸。朝飧是草根。暮食乃樹皮。出言氣欲絕。意速行步遲。追呼尚不忍。况乃鞭朴之。郵亭傳急符。來往跡相追。更無寬大恩。但有迫促期。

欲令鬻兒女。言發恐亂隨。悉使索其家。而又無生資。  
聽彼道路言。怨傷誰復知。去冬山賊來。殺奪幾無遺。  
所願見王官。撫養以惠慈。柰何重驅逐。不使存活為。  
安人天子命。符節我所持。州縣忽亂亡。得罪復是誰。  
逋緩違詔令。蒙責固所宜。前賢重守分。惡以禍敗移。  
亦云貴守官。不愛能適時。顧惟孱弱者。正直當不虧。  
何人采國風。吾欲獻此詞。

賊退示官吏

有序

癸卯歲西原賊入道州。焚掠幾盡而去。明年賊又攻

永破邵。不犯此州。邊鄙而退。豈力能制敵與。蓋蒙其  
傷憐而已。諸使何為忍苦徵歛。故作詩一篇以示官

吏

唐書西原蠻傳西原種落張侯夏永等內寇陷道  
州據城五十餘日桂管經略使邢濟擊平之餘衆  
復圍道州刺史元結固守不下○  
今序云不犯此州邊鄙疑史有悞

昔歲逢太平。山林二十年。泉流在庭戶。洞壑當門前。  
井稅有常期。日晏猶得眠。忽然遭世變。數歲親戎旃。  
今年典斯郡。山夷又紛然。城小賊不屠。人貧傷可憐。  
是以陷鄰境。此州獨見全。使臣將王命。豈不知賊焉。  
今彼徵歛者。迫之如火煎。誰能絕人命。以作時世賢。

思欲委符節。引竿自刺船。將家就魚菱。窮老江湖邊。  
狂歌行贈四兄

與兄行年校一歲。賢者是兄愚是弟。兄將富貴等浮  
雲。弟竊功名好權勢。長安秋雨十日泥。我曹鞞馬聽  
晨雞。公卿朱門未開鎖。我曹已到肩相齊。吾兄穩睡  
方舒膝。不襪不巾踏曉日。男啼女哭莫我知。身上須  
繒腹中實。莊子蘧伯玉行年六十而化。鞞音備。說文車鞞也。一日駕于馬曰鞞。首四句肩起下即承明之等浮雲正見其賢好權勢正見其愚長安秋雨四句好權勢也吾兄穩睡四句等浮雲也欲味四兄之曠達而公故作自序以相形觀出耳至身上須繒腹中實即俗言着衣吃飯餘外不知意

今年思我來嘉州。嘉州酒重花遶樓。樓頭吃酒樓下

臥。長歌短味遠相酬。四時八節還拘禮。女拜弟妻男

拜弟。幅巾鞞帶不掛身。頭脂足垢何曾洗。易錫之鞞帶終朝三

褌之說文鞞大帶也。丙則足垢燂湯請洗南史陰子春身脂垢汗脚數年一洗言每洗則失財敗事。

此段敘訪公嘉州。仍見其放達意。吾兄吾兄巢許倫。一生喜怒長任

真。日斜枕肘寢已熟。啾啾唧唧爲何人。王導傳導能任真推分澹

如也。枚乘賦鎗鏗啾啾蕭條寂寥。古捉搦歌。臆中女子聲唧唧。此段重言以美之仍挽到富貴浮

雲意

示獠奴阿段。北史獠者南蠻別種無名字以長幼次第呼之丈夫稱阿暮阿

段婦人稱阿夷阿等之類皆語之次第稱謂也

山木蒼蒼落日曛竹竿裊裊細泉分郡人日夜爭餘

瀝豎子尋源獨不聞病渴三更迴白首傳聲一注濕

青雲曾驚陶侃胡奴異怪爾常穿虎豹羣郡人難于

爭汲豎子既得水源不聞喧呼也劉敬叔異苑陶

侃家僮千餘人嘗得胡奴不喜言侃一日出郊奴執

鞭以隨胡僧見而驚禮曰此海山使者也侃異之至

峽中覽物

曾為椽吏趨三輔憶在潼關詩興多巫峽忽如瞻華

嶽蜀江猶似見黃河舟中得病移衾枕洞口經春長

薜蘿形勝有餘風土惡幾時回首一高歌椽吏謂為

潼關西嶽皆在華州黃河亦經華而東○末聯言

蜀中雖號形勝之地而風土不類關中回首高歌欲

憶鄭南寺

舊作憶鄭南批誤

鄭南伏毒寺瀟灑到江心石影銜珠閣泉聲帶玉琴

風杉曾倚曙雲嶠憶登臨萬里蒼茫水龍蛇只自深

蔡曰伏毒寺在華州鄭縣寺必在江中嶼上故有

江心句并下石影泉聲雲嶠等字也江淹賦撫玉

琴兮何親陸機詩飛泉激鳴玉萬里蒼茫二句

之瀟灑哉應第二句按石影銜珠閣蔡夢弼作玳閣蓋寺中以玳飾閣公或憶寺而兼憶寺中之玳也玳音泚玉色鮮潔也

贈崔十三評事公輔

飄飄西極馬。來自渥洼池。颯颯寒山桂。低徊風雨枝。我聞龍正直。道屈爾何為。且有元戎命。悲歌識者誰。官聯辭冗長。行路洗欹危。脫劍主人贈。去帆春色隨。

漢禮樂志天馬來從西極唐韻颯颯大風也謝靈運入華子崗詩南州實炎德桂木凌寒山申屠嘉傳冗官居其中師古曰冗散輩也長冗輩中之長也此作崔評事應羽林軍師之辟臨別公贈之以詩首六句比起言崔之才而猶屈抑下位次六句臨別情況 陰沉鐵鳳闕。教練羽

林兒。天子朝侵早。雲臺仗數移。分軍應供給。百姓日

支離。黠吏因封已。公才或守雌。燕王買駿骨。渭老得

熊羆。活國名公在。拜壇羣寇疑。冰壺動瑤碧。野水失

蛟螭。入幕諸彥集。渴賢高選宜。騫騰坐可致。九萬起

於斯。復進出矛戟。昭然開鼎彝。文心雕龍天高氣清陰沉之氣遠漢書

建章宮東則鳳闕高二十餘丈西都賦注圓闕上作鐵鳳凰令張兩翼舉頭敷尾朱云評事掌出使推

按不為冗官此云官聯辭冗長又云教練羽林兒蓋崔自外僚徵入朝為羽林幕職評事恐是兼官或先

曾以評事貶斥天子二句項羽林來國語叔向日引黨以封已注封厚也晉書孔愉有公才而無

公望老子知其雄守其雌戰國策涓人為君求千里馬馬已死買其骨五百金返以報君大怒涓人

曰死馬且買之况生馬乎馬今至矣不三年千里馬  
至者三活國拜壇指羽林帥府照上元戎水壺  
句即冰雪靜聰明意野水句言羣盜將盪滅也梁  
武帝集朝廷思賢有如饑渴潘岳傳楊駿輔政高  
選吏佐世說見鍾士季如觀武庫但覩矛戟在  
昉序功銘鼎彝○此段敘羽林幕府事期之之詞

會看之子貴歎及老夫衰豈但江曾决還思霧一披

暗塵生古鏡拂拭照西施舅氏多人物無慙困翮垂

莊子决西江之水而活汝鮑照詩明鏡塵匣中庾  
信詩玉匣聊開鏡輕灰暫拭塵評事公諸舅之子  
後有熱毒寄崔評事十六弟詩○  
此段公自敘末語有望提攜意

奉寄李十五秘書文嶷二首

避暑雲安縣秋風早下來暫留魚復浦同過楚王臺

猿鳥千崖窄江湖萬里開竹枝歌未好畫舸莫遲回

避暑二句指李暫留公自謂寰宇記楚宮在巫山  
縣西二百步陽臺古城內即襄王所游之地陽雲臺

高一百二十丈南枕長江時秘書將適洪州應沂  
公聘故公與之期會于夔如此詳後贈十六丈別詩

千崖窄言峽中萬里開言出峽舊注竹枝歌巴  
渝之遺音惟峽人善唱劉禹錫竹枝詞序建平里中

兒聯歌竹枝吹短笛擊鼓以赴節歌者揚袂雜舞以  
曲多為賢音中黃鐘之羽其卒章激許如吳聲徐

陵詩畫舸圖仙獸竹枝歌未好公不以巴  
渝之音為好畫舸莫遲回促其早至出峽

行李千金贈衣冠八尺身飛騰知有策意度不無神

班秩兼通貴公侯出異人玄成負文彩世業豈沉淪

郭泰傳身長八尺容貌魁偉李秘書貌狀必是克  
偉故後贈別詩復有不聞八尺軀常受眾目憐句



唐書秘書郎從六品上故曰通貴左傳公侯之子必復其始秘書蓋宗室子故云○秘書其父必貴故以玄成比之後贈別詩亦云玄成美價存

貽華陽柳少府

唐書華陽縣屬成都府貞觀十七年析成都縣置

繫馬喬木間。問人野寺門。柳侯披衣笑。見我顏色溫。

竝坐石堂下。俛視大江奔。火雲洗月露。絕壁上朝暎。

自非曉相訪。觸熱生病根。南方六七月。出入異中原。

老少多暍死。汗踰水漿翻。俊才得之子。筋力不辭煩。

少府寓居野寺公故繫馬問之陶潛詩相思則披衣言笑無厭時謝靈運詩晚見朝日暎

出貌晉程曉詩可憐襪襪子觸熱到人家漢紀元封四年夏大旱民多暍死世說魏文帝問鍾毓

面何以汗對曰兢兢皇皇汗出如漿南史吳均好學有俊才○此段敘暑月乘曉過訪指揮當

世事語及戎馬存。涕淚濺衣裳。悲風排帝閣。鬱陶抱

長策。義仗知者論。吾衰病江漢。但媿識璵璠。文章一

小技。于道未為尊。起予幸班白。因是託子孫。謝朓詩幽念漸

鬱陶家語美哉璵璠遠而望之矣若也楊雄雕

吾老矣當以子孫相累○此段敘事俱客古信州。結廬依毀垣。相去四

五里。徑微山葉繁。時危挹佳士。况免軍旅喧。醉從趙

女舞。歌鼓秦人盆。子壯顧我傷。我驩兼淚痕。餘生如

過鳥。故里今空村。舊唐書夔州本梁信州隋為巴東郡武德元年改信州二年又改夔

州〔李斯書擊甕叩缶彈箏拊髀而歌鳴鳴快耳者  
真秦聲也楊惲書家本秦也能爲秦聲婦趙女雅善  
鼓瑟酒後耳熱仰天拊缶而歌烏烏〔張載詩〕人  
生苦海內忽如鳥過目○此段亦敘事以情作結



